

Broj: 08-32-1194-1/24
Sarajevo, 09.08.2024. godine

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije Bosne i Hercegovine“, broj: 15/05), Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava „Tekući transferi pojedincima – Transfer za raseljena lica i povratnike“ utvrđenih Budžetom Federacije Bosne i Hercegovine za 2024. godinu Federalnom ministarstvu raseljenih osoba i izbjeglica, V. broj: 506/2024 od 08.04.2024. godine („Službene novine Federacije BiH“, broj: 27/24) i V. Broj: 1136/2024 od 18.07.2024. godine („Službene novine Federacije BiH“, broj: 57/24) te Strategije saradnje sa iseljeništvom Federacije Bosne i Hercegovine za period 2020.-2024. godina („Službene novine Federacije Bosne i Hercegovine“, broj: 98/19) a u cilju sudjelovanja bosanskohercegovačkog iseljeništva u ekonomskom razvoju Bosne i Hercegovine, Federalno ministarstvo raseljenih osoba i izbjeglica objavljuje:

JAVNI POZIV
za sufinansiranje investicijskih projekata iseljeništva u povratničkim sredinama na prostoru Bosne i Hercegovine

1. Predmet javnog poziva

Predmet Javnog poziva je sufinansiranje investicijskih projekata bosanskohercegovačkog iseljeništva od strane Federalnog ministarstva raseljenih osoba i izbjeglica u povratničkim sredinama na prostoru Bosne i Hercegovine – u entitetu Republika Srpska, Brčko Distriktu Bosne i Hercegovine, te entitetu Federacija Bosne i Hercegovine i to za područja srednje razvijenih, nerazvijenih i izrazito nerazvijenih općina i gradova u skladu sa indeksom razvijenosti Federalnog zavoda za programiranje razvoja.

2. Cilj Javnog poziva

Cilj Javnog poziva je podržati realizaciju investicijskih projekata pokrenutih od strane poduzetnika iz bosanskohercegovačkog iseljeništva radi ekonomskog osnaživanja povratnika u povratničkim mjestima, te animiranje građana koji imaju boravište van države da daju doprinos ekonomskom napretku Federacije Bosne i Hercegovine i Bosne i Hercegovine.

3. Pravo učešća

Pravo učešća u Javnom pozivu imaju:

- a) Investitori - pravna lica – privredni subjekti registrovani van Bosne i Hercegovine čiji su vlasnici/većinski suvlasnici državljani Bosne i Hercegovine koji imaju boravište van Bosne i Hercegovine, a koji planiraju proširiti poslovanje na područje Bosne i Hercegovine u roku od 120 dana od dana potpisivanja sporazuma o dodjeli sredstava po ovom Javnom pozivu;
- b) Investitori – fizička lica - državljani Bosne i Hercegovine koji imaju boravište u iseljeništvu - koji namjeravaju investirati u pokretanje novog privrednog društva u Bosni i Hercegovini u roku od 120 dana od dana potpisivanja sporazuma o dodjeli sredstava po ovom Javnom pozivu.

4. Finansijska sredstva

Planirana sredstva za sufinansiranje investicijskih projekata u skladu sa ovim Javnim pozivom iznose ukupno 800.000,00 KM (slovima: osamstotinhiljada KM).

Vrijednost sufinansiranja jednog investicijskog projekta od strane Ministarstva će iznositi do 150.000,00 KM (slovima: stotinupedesethiljada KM)

Izabrani investitori preuzimanju obaveze da:

- najmanje 70% svog ulaganja realizuju u novcu, što će dokazati potvrdom ovlaštene finansijske institucije (banke) o izvršenom transferu kapitala u Bosnu i Hercegovinu, prilikom potpisivanja sporazuma o dodjeli sredstava po ovom Javnom pozivu;
- preostalu vrijednost realizuju kroz ulaganje u: objekte, opremu, obuku radnika, licenciranje/certificiranje i slično (vrijednost ulaganja mora biti dokaziva finansijskom dokumentacijom).

5. Broj prijavljenih projekata

Podnosilac zahtjeva može dostaviti isključivo jedan projekat u okviru ovog Javnog poziva.

6. Opći kriteriji za dodjelu finansijskih sredstava registrovanim preduzećima:

a) Prijava na Javni poziv obavezno treba da sadrži sljedeće dokumente – PRAVNA LICA:

- 1) Čitko popunjenu, potpisanu i ovjerenu prijavu na javni poziv na obrascu koji je dostupan na internet stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića br. 2. Sarajevo;
- 2) Dokaz o registraciji privrednog subjekta u državi boravišta ili u nekoj od država članica Evropske unije (EU) ukoliko vlasnik/ većinski suvlasnik ima boravište u nekoj od država članica EU, sa jasno naznačenom vlasničkom strukturom u privrednom subjektu – preveden na jedan od službenih jezika u Bosni i Hercegovini i ovjeren od strane ovlaštenog sudskog tumača;
- 3) Dokaz da su vlasnici ili većinski suvlasnici pravnog lica aplikanta državljanji Bosne i Hercegovine – uvjerenje o državljanstvu izdato od strane ovlaštenog organa u Bosni i Hercegovini ili diplomatskom predstavništvu u inostranstvu;
- 4) Dokaz da vlasnici ili većinski suvlasnici pravnog lica imaju boravište van Bosne i Hercegovine – kopija ličnog identifikacijskog dokumenta izdatog u državi boravišta - preveden na jedan od službenih jezika u Bosni i Hercegovini i ovjeren od strane ovlaštenog sudskog tumača;
- 5) Projekat za planiranu investiciju sa detaljnim opisom projekta, vrijednosti ulaganja i očekivanim rezultatima;
- 6) Izjava o broju povratnika koji će biti uposleni kroz projekat – ovjerena od strane nadležnog organa.

Svi dokumenti se dostavljaju uz prijavu u originalu ili ovjerenj kopiji od strane nadležnog organa ne starijoj od 30 dana.

b) Prijava na Javni poziv obavezno treba da sadrži sljedeće dokumente – FIZIČKA LICA:

- 1) Čitko popunjenu, potpisanu i ovjerenu prijavu na javni poziv na obrascu koji je dostupan na internet stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića br. 2. Sarajevo;
- 2) Uvjerenje o prebivalištu (CIPS) aplikanta izdatog od strane nadležnog organa u Bosni i Hercegovini, ne starije od 3 mjeseca;
- 3) Projekat za planiranu investiciju sa detaljnim opisom projekta, vrijednosti ulaganja i očekivanim rezultatima;

4) Izjava o broju povratnika koji će biti uposleni kroz projekat – ovjerena od strane nadležnog organa.

Svi dokumenti se dostavljaju uz prijavu u originalu ili ovjerenoj kopiji od strane nadležnog organa ne starijoj od 30 dana.

7. Posebni kriteriji za dodjelu finansijskih sredstava (za pravna i za fizička lica):

- 1) Projekat kojim se aplicira za sufinansiranje sa jasno definisanim očekivanim rezultatima i procjenom mjerljivih efekata poboljšanja ekonomske održivosti povratnika,
- 2) Projekcija finansijskih ulaganja sa izvorima prihoda i očekivanim rashodima,
- 3) Visina iznosa vlastitog ulaganja,
- 4) Broj radnika povratnika koji se planiraju zaposliti u okviru investicije, od ukupnog broja radnika,
- 5) Preporuka jedinice lokalne samouprave ili nadležnog organa u oblasti privredne djelatnosti u mjestu sjedišta aplikanta ili u mjestu sjedišta pravnog subjekta - prevedena na jedan od službenih jezika u Bosni i Hercegovini i ovjerena od strane ovlaštenog sudskog tumača,
- 6) Izjava o reinvestiranju dobiti u dalji razvoj investicija u Bosni i Hercegovini.

U slučaju većeg broja aplikacija od planiranih finansijskih sredstava za realizaciju ovog Javnog poziva, prednost će imati aplikanti koji nisu bili korisnici po ranijem Javnom pozivu te aplikanti koji planiraju pokrenuti poslove na području izrazito nerazvijenih i nerazavijenih opština/gradova u entitetu Federacija Bosne i Hercegovine i na području entiteta Republika Srpska.

8. Dodatna dokumentacija nakon potpisivanja ugovora

Izabrani korisnici će biti **dužni da u roku od 120 dana** od dana potpisivanja ugovora o namjenskom utrošku sredstava dostave za **новоosnovani** privredni subjekat:

1. Rješenje o registraciji;
2. ID broj;
3. Ugovor sa bankom o otvaranju bankovnog računa;
4. Dokaz iz nadležne poreske uprave o prijavljenim radnicima;
5. Ugovor o radu na neodređeno vrijeme sa najmanje jednim radnikom iz populacije manjinskih povratnika;
6. Dokaz o izvršenom transferu kapitala u Bosni i Hercegovini (potvrda ovlaštene finansijske institucije - banke).

9. Način izbora korisnika

Otvaranje prijave, analizu projektnih prijedloga i rangiranje aplikanata po osnovu Javnog poziva će vršiti posebna komisija koju će imenovati federalni ministar raseljenih osoba i izbjeglica.

Komisija će razmatrati prijave u skladu sa "Procedurama za izbor potencijalnih korisnika za sufinansiranje investicijskih projekata bosanskohercegovačkog iseljništva od strane Federalnog ministarstva raseljenih osoba i izbjeglica u povratničkim sredinama na prostoru Bosne i Hercegovine" donesenim od strane federalnog ministra raseljenih osoba i izbjeglica, te u skladu sa odredbama ovog Javnog poziva.

Komisija zadržava pravo provjere tačnosti podataka iz aplikacija na Javni poziv, te u slučaju da utvrdi da podaci nisu tačni, može predmetnu aplikaciju odbaciti kao neurednu.

Prilikom potpisivanja ugovora, korisnici će biti dužni dostaviti potrebnu dokumentaciju: lična karta (na uvid), 2 bjanko mjenice i dokaz iz banke da korisnik ima finansijska sredstva u Bosni i Hercegovini za realizaciju vlastitog ulaganja.

10. Objavlivanje rang listi potencijalnih korisnika

Preliminarna i konačna rang lista po ovom Javnom pozivu će biti objavljene na internet stranici Federalnog ministarstva raseljenih osoba i izbjeglica www.fmroi.gov.ba.

11. Dostavljanje prijava na javni poziv

Popunjen obrazac prijave na Javni poziv i traženu dokumentaciju aplikanti će dostaviti **preporučenom poštom** na adresu:

**Federalno ministarstvo raseljenih osoba i izbjeglica
Hamdije Čemerlića 2.
71000 Sarajevo**

sa naznakom: Prijava na „Javni poziv za prijave za sufinansiranje investicijskih projekata iseljeničtva u povratničkim sredinama na prostoru Bosne i Hercegovine“ – *Služba 08*

(Na poleđini koverta obavezno navesti naziv/ime podnosioca prijave, tačnu adresu i broj telefona)

Rok za dostavljanje prijava je 31. august 2024. godine.

Nepotpune i neblagovremene prijave neće se uzimati u razmatranje.

Dodatne informacije mogu se dobiti putem kontakt telefona: 033 294 162 i 033 294 181.

MINISTAR

Nerin Dizdar